



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

§. I. Quid & quotuplex sit injustitia.

urn:nbn:de:hbz:466:1-40013

Domino; ad quem ante commixtionem res spectabat, saltem dum fuit potens est restituere, quia fuit fuit effectus Dominus rei, ergo hujus Dominium transfert in accipientem ab eo sine onere restituendi, fuit enim tenetur priore loco Sanch. Lib. 2. Dec. 6. 23. num. 34. in fin. citans Molin. Disp. 719. Si fuit vi

tux acceptioonis evadat impotens restituendi, opinio communis te damnat restitutionis, tibi enim imputatur impotentia ob cooperationem dum malâ fide accipis, sibonâ, probabiliter deobligaris ex sententia Tambur. Lib. 8. Dec.

tract. 3. c. 3. §. 4.
num. 25.



DISSESTITO IV.

De Justitia & Injustitia.

ARTICVLVS PRIMVS.

De Justitia.

§. I.

Quid? & quotuplex sit Justitia?

275. **J**ustitia hic strictè sumitur pro virtute speciali morali, una ex quatuor Cardinalibus, cuius essentia est quod sit ad alterum, proinde hominem unum ordinat ad alterum ab operante, sive realiter, sive fictione juris distinctum tradendo illi jus ad rem, vel jus in re, proinde dando illi, quod suum est, seu id ipsum, ad quod jus adfert.

Porrò tripliciter homo potest unus ordinari ad alterum, nempe ut pars ad

partem; in hac consideratione unus habet jus ordinatum directè in bonum suum libertatis, & alter sustinet debitum adimplendi jus illud, in hoc sensu etiam privatus cum Principe, particularis cum communitate, privatus cum private consideratur tanquam pars cum parte. Secundò ut pars, seu membrum ad communitatem habens jus ad bona communia quæ talia. Tertiò ut communitas habet jus ad bona cuiusvis membra ut talis.

Hinc

Hinc triplex resultat suitas ex totis dem juribus, si enim id, ad quod afferit Justitia jus, est proprium alicujus principiter ad ejus bonum ordinatum, dicitur suum suitate proprietatis: si id, ad quod afferit jus, est commune distribuendum, seu ordinatum ad bonum & libertatem membrorum illius communitatis, vocatur suum hujus membra suitate communitatis, et si quandoque id, quod distribuitur per distributionem approprietur membris, consequenter ex suo suitate communitatis evadat suum suitate proprietatis, ut si bona communia redundantia distribuantur inter membra, aut tempore indigentiae frumentum, pecunia, &c. dividatur. Si demum id, ad quod Justitia afferit jus, est bonum respectu communitatis allatum à membro ut tali, dicitur suum suitate membra, quatenus membrum debet consulere bono communii quod fit ordinando actiones suas ad bonum commune, ut enim bona totius sunt quasi bona partis, ita bona partis sunt quasi bona totius.

Ex his infertur triplex Justitiae species, videlicet commutativa, distributiva & legalis, ex S. Thom. q. 58. Art. 5. juncta q. 61. Art. 1. Commutativa enim respicit jus partis ad partem seu proprietatis communiter, & per se intendens aequalitatem arithmeticam inter partes, seu inter debitum unius, & jus alterius. Distributiva respicit dignitatem, seu meritum majus, aut minus partium, dum his distribuit bona communia, quapropter attendit aequalitatem proportionum inter communitaris partes, ita ut si digno ut duo dentur quatuor, digno ut quatuor dentur octo, & ideo dicitur proportio proportionum, seu aequalitas geometrica

consistens inter quatuor ad minimum terminos, videlicet inter meritum majus unius, & minus meritum alterius, ac inter bonum commune majus collatum uni, atque minus collatum alteri. Legalis respicit bonum commune, propter hoc enim in Principe imperat, ac in membris exequitur omnium omnino legum observantiam, id est, actus virtutum omnium: finis hic illius proprius est, & intrinsecus.

Infertur secundo tria praefata iura, & suitas esse specie formaliter diversas, atque ideo tres praefatas virtutes esse invicem specie diversas, quia virtutes significantur intrinsece per ordinem ad suum objectum proprium, & principale.

276. Dico Justitiam ut sic bene definiri à Theologis cum S. Thom. q. 58. Art. 1. ex Ulpiano L. 10. ff de just. O' jure quod fit constans & perpetua voluntas jus suum unicuique tribuens, probatur explicatione: per ly voluntas intelligitur habitus acquisitus naturalis facilans voluntatem ad actus alteri tribuentes jus suum, nempe vel suitate proprietatis, ut tribuit justitia commutativa: vel suitate communitatis, ut distributiva, vel suitate membra, ut legalis: & sic definitio est communis omni justitiae proprieta, unde ly suum in definitione praescindit à jure rigoroso seu proprietatis, & à minus rigoroso, ut complectatur etiam jus justitiae distributivae & legalis. Ly constans & perpetua Significat, quod immobiliter, & omni tempore, ac in quavis materia inclinet ad praefatos actus. Ly jus suum cuique tribuens est differentia à virtutibus, quae non sunt ad alterum.

Duplices sunt partes justitiae, aliae subjectivae, aliae potentiales, potestativae. Subjectivae sunt, quae perfecte participant definitionem justitiae, quales sunt solatres expositae species, reddunt namque aequali jure suo. Potentiales sunt, quae in aliquo participant universalem rationem definitionis justitiae, in alio autem ab eadem deficiunt; ut Religio erga DEUM, pietas erga parentes, observantia erga viros virtute praeditos, virtus enim ab homine nequit compensari aequali præmio, minus pietas honorem parentibus debitum, aut Religio cultum aequali excellentiae DEI praestare. Aliae virtutes ad alium debentur huic titulo honestatis citra obligationem, & titulum suitatis, ut gratitudo, liberalitas, amicitia, affabilitatis.

Infero licet aequalitas tributorum sit proportionalis, & geometrica, eorum tamen distributio, ac impositio non est actus justitiae distributivae, quia haec vir-

tus directe, & immediatè attendit ad metita, seu dignitatem membrorum, tribuna autem non respiciunt jus membrorum sed potius jus altum Principis, qui tamen prohibetur à justitia commutativa, ne ullus subditorum oneretur ultra vires, ad hoc enim quisque habet jus strictum Hau-nold, tract. 2. n. 109. vicissim etiam Princeps habet jus strictum supposito alto Domino exigendi tributum necessarium per n. 195. Et ideo exactio justa tributorum eorumque persolutio est actus justitiae commutativae.

Pto solvendis contra definitionem justitiae Nota primo: quod etsi natura justitiae nunquam inclinet ad defectum sed semper ad justum, voluntas tamen per alium actum contra naturam justitiae inuste agere potest. Secundò sicut non datur justitia erga se ipsum, ita nec iniquitia, unde se ipsum occidens non est injustus sibi, sed Reipublicæ, & DEO.



§. II.

De objecto formali Justitiae.

277. **D**ico primò objectum formale justitiae commutativa relate ad personam eius, est ipsum jus activum proprietatis: relate vero ad objectum, quod debetur, est ipsum jus passivum, hoc est, ratio debiti. E. g. vendidili Petro equum centum aureis, jus activum est potestas tibi competens ad centum aureos nondum persolutos, jus passivum est ratio debiti

denominans centum aureos tibi debitos. Justitia respicit duplex objectum, unum eni, nempe personam, cui quid debetur ex justitia; alterum est objectum quod, nempe id, quod à debitore est creditori præstandum.

Probatur nunc cum Lessio L. 2. c. 2. n. 5. & 7. illud est objectum formale virtutis, quod est ratio amandi finem ad qua-